

## **Ekap kânok Yohaneņâ kulengoip.**

### *Ândiândigât den sâm muyageip.*

<sup>1</sup> Topkwap mârumņan gâbâ zem gâip, oi kindapniņâ nâņgâwen sot sinniņandâ igâwen. Ek nâņgâm kwâtâtemņâ bitniņandâ gâsuwen, zo ândiândigât den sât. <sup>2</sup> Ândiândi mariņâ zo muyagei igâwengât ândiândi kâtikņanğât siņgi den dâzâņgomen. Ândiândi kâtikņâ zo Anutu Ibâgâren zem gamņâ neņgâren gâip. <sup>3</sup> Zorat kut ñâi ñâi ek nâņgâwen, zorik zen dâzâņgomen. Zen sot nen sot Ibâ sot nanņâ Yesu Kristo kâmut kânok utnatkât sâmen. <sup>4</sup> Yatâ muyagei sâtâre kwâkņan ândinatkât ekap zi kulemgum ziņgan.

### *Âsakņan ândiândiņ.*

<sup>5</sup> Den siņgi Yesugâren gâbâ nâņgâwen, zo dâzâņgomen. Zo itâ. Anutu, zâk âsakņâ. Nâtâtik zâkkâren mân ziap. <sup>6</sup> Nen ñâtâtigân ândim Anutu sot pâlâtâņ urâwen sâindâ sâi ko sarâ opap. Oi den bonņâ mân mem ândibem. <sup>7</sup> Anutu zâk zik âsakņan ândiap, zo yatik nen âsakņan ândinat zo ko kâmut kânok opņâ nanņâ Yesu Kristo, zâkkât gilâmņandâ saņgonniņgi umniņ salek upap. Yatâ oi tosanिņâ zo aksik gulipkubap.

<sup>8</sup> Nen bâliņâ mân upmen sânat, zo ko umniņ kâitkunat. Oi den bonņâ neņgât umniņan mân zimbap. <sup>9</sup> Ka nen bâliņâniņâ sapsunat, zo ko sâi

bon opmap, Anutu, târârak mariñandâ tosanij birâm umniñ sañgori salek op kwâtâtinat. <sup>10</sup> Nen bâliñâ mân upmen, yatâ sâm sâi ko Anutugâren sarâ a ândimen yatâ opap. Yatâ oindâ sâi ko zâkkât den umniñan mân zembap.

## 2

### *Kristonjâ tânnângobap.*

<sup>1</sup> Nan bârarâpnâ Yesugât kâmut op ândie, zen bâliñ upegât den zi kulemgum ziñgan. Nengâren gâbâ ñâiñâ bâliñâ upap, zo ko Ibâgâren berân mâme a, Yesu Kristo, zâk târârakñâ mariñâ ândiap, zâkkât nângâbap. Zâk betniñan mem Ibâñâ dukui tosanij birâbap. <sup>2</sup> Yesu Kristo zâk bâliñâniñanğât suupniñ meip. Oi nengârâk bunâ, hân dâp ândie aksik, zengât supziñ meip.

<sup>3</sup> Nen itâ nângen. Nen Anutugât diñâ lum ândim zâk sot pâlâtâñ utnat. <sup>4</sup> A ñâi, zâk Anutugât diñâ mân lumñâ itâ sâbap, “Nâ Anutu sot pâlâtâñ opman.” Zâk sarâ a. A yatâ zorat umñan den bonñâ mân zemap. <sup>5</sup> Nâi zâk Anutugât den nângâm lubap, zâk perâkñak umñâ Anutugâren kinbap. Nen yatik Anutugât den nângâm lum ândimñâ itâ nângânat, “Irak ziren Anutu sot pâlâtâñ op ândien.” <sup>6</sup> Nâi zâk Anutu sot pâlâtâñ op ândian sâbap, zo ko Yesu ândeip, zorat dâp wâratkum ândei dâp upap.

### *Buku buku opñâ âsakñan ândinat.*

<sup>7</sup> Bukurâpnâ, nâ den uñakñâ ñâi mân kulemgum ziñgan. Den zo mârumñan gâbâ nângâm gawe, zorik. <sup>8</sup> Oi den kulemguan, zo

den unaknâ oi Yesugâren sot zenğâren ârândân bon uap. Zo topnâ itâgât. Nâtâtik buñ oi âsaknâ bonnâ muyagem ziap.

<sup>9</sup> Oi a nâi, zâk bukuñâ kâsa oknangâmapnâ âsaknâ andian sâbap, zâk tok nâtâtigân andiap. <sup>10</sup> Oi nâi zâk bukuñâ umñandâ gâsubap, zo ko âsaknâ andimap. A zo bâliñan mân tâmbetagobap. <sup>11</sup> Ka a nâi, zâk bukuñâ kâsa oknangâbap, zo ko nâtâtigân andim nâtâtikkât mâtâp âibap. Nâtâtigân âi sinâ egi nâtiksâi mâtâp mân ek kwâtâtibap.

*Patâ sot mâik zen aksik den nângâbi.*

<sup>12</sup> A ambân katep, zen Yesuñâ zenğât suupziñ meip, zorat op tosaziñ gulipkumapkât den zi kulemgum ziñgan.

<sup>13</sup> Ibârâp, zen mârurnan gâbâ andim gâip, zâk sot pâlâtân op ândiegât den zi kulemgum ziñgan.

A sigan, zen bâliñâ mariñâ kâsa oknangâm kâtigiwe, zorat den zi kulemgum ziñgan.

A ambân katep, zen Ibâgâren pâlâtân urâwegât den zi kulemgum ziñgan.

<sup>14</sup> Ibârâp, zen mârurnan gâbâ andim gâip, zâk sot pâlâtân urâwegât zenğât den zi kulemgum ziñgan.

A sigan, zen kâtigine Anutugât den umziñan ziap. Zen bâliñâ mariñâ kâsa oknangâm kâtigiwe, zorat den zi kulemgum ziñgan.

*Umniñâ hângât kut nâi nâiyân mân zimbap.*

<sup>15</sup> Umziñ hânân mo hângât kut nâi nâiyân mân pane zimbap. Nâi zâk umñâ hângât kut nâi nâiyân pâi zimbap, zo ko umñandâ Anutu Ibâ mân

gâsubap. <sup>16</sup> Nânge. Hânân kut nâi nâi bâliņâ ziap, zo itâ. Sâkkât âkņâle, sennâ eknâ âkņâle, sot umņâ zâizâiņ. Zo Ibâgâren gâbâ buņâ. Zo hânân gokņâ. <sup>17</sup> Hân zâk âkņâleņoot zo buņ upap. Ka nâi zâk Ibâgât den nâņgâm lubap, zâk tâmbâņâ ândim zâimâmbap.

*Kristogât kâsa muyagibap.*

<sup>18</sup> Nan bârarâpnâ, narâk pânkânok uap. Kristogât kâsa kâwaliņoot gâbapkât sâsâņ, zo nâņge. Oi narâk ziren kâsarâpņâ donbep muyagem gam ândie. Narâk pânkânok uap, zo nâņge. <sup>19</sup> A zo, zen osetniņan âsagiwe. Oi neņgât buku zo mân ândie. Zen neņgât buku ândim sâi nen mân birâniņgâbe. Zen birâniņgâwe, zorat topņâ itâ. Zen neņgât buku buņâ.

<sup>20</sup> Zen ko tirik a Yesuņâ Kaapumņâ ziņgipkât nâņgânâņgâziņoot ândie. <sup>21</sup> Zen den bonņâ mân nâņgâme sâm ekap zi mân kulemgum ziņgan. Buņâ. Zen den bonņâ nâņgâmegât opņâ den zi kulemgum ziņgan. Den sarâ, zo den bon mariņaņgâren gâbâ mân gâmap.

<sup>22</sup> Yesugât kâsa, zo nâi? Yesu, zâk a bâliņan gâbâ mâkâniņgâbap mârur sâsâņ, Kristo, zo buņâ. A nâiņâ yatâ sâi zâk sarâ a sâbi. Nâi zâk Ibâ sot nanņâ kwâimbâzikâbap, zâk Kristogât kâsa. <sup>23</sup> Nâi zâk nanņâ kwâimbâbap, zâk Ibâ birâniņgâbap. Ka nâi zâk Yesu zâk bâliņan gâbâ mâkâniņgâbapkât mârur sâsâņ sâbap, zâk Ibâ sot pâlâtâņ upap.

<sup>24</sup> Mârurņan gâbâ Kembugât den nâņgâm ândim gawe, zo nâņgâne umziņan zei nâņgâm ândibi. Zen yatâ op ândim nanņâ sot Ibâņâ, zet sot

pâlâtân op ândibi. <sup>25</sup> Yesuñâ kut ñâi niñgâbapkât sârn kâtigeip, zo ândiândi kâtikñâ.

*Kaapumñâ sanjonningi Yesugâren sâtârem kinat.*

<sup>26</sup> A ziñ um gulip kwatziñgâbegât ekap zi kulemgum ziñgan. <sup>27</sup> Zengât itâ san. Kaapum ziñgip, zo zengâren ziap, zorat wangât a ñâiñâ den dâzângobap? Kaapum ziñgip, zâkñâ kut ñâi ñâigât den dâzângomap. Den topñâ dâzângomap. Zâkkât den zo sarâ buñâ, zo bonñâ. Oi zen Kristo sot pâlâtân op ândibigât dâzângoip, zo yatâ upi.

<sup>28</sup> Nan bârarâpnâ, zen Kristo sot pâlâtân op ândibi. Yatâ op ândine zâk âsagem gâi kenğât sot anjun mân op mâtenan âi kinbi. <sup>29</sup> Anutu zâk târârak ândimap. Zen zâkkât yatâ nângâme. Zorat a ñâi, zâk târârak ândei ekñâ sâbi, “Zâk Anutugâren gâbâ muyageip.”

### 3

*Anutugât nan bârarâp ândien, zorat topñâ.*

<sup>1</sup> Nângânek. Ibâniñandâ nenğât umñâ donbep kinzap. Kiri nenğât nan bârarâpnâ sârn. Oi nen yatâ zo ândien. A um kâtik, zen mân buku otningâme, zorat topñâ itâ. Zen Anutu mân buku okñangâme.

<sup>2</sup> Bukurâpnâ, nen narâk ziren Anutugât nan bârarâp ândien. Oi biken dap muyaginat? Zo mân nângen. Ka itâ nângâm kwâtâtien, “Kembuniñâ takâm gâi tobatñâ ekñâ yatik utnat.” <sup>3</sup> Ñâi zâk zo yatâ nângâm um bâbâlân op ândi mâmanñâ kubikñâ târârak ândibap. Zâk Kembu târârak ândimap, zo yatik ândibap.

*Bâliņ op Satangât orot.*

<sup>4</sup> Nâi zâk bâliņ memap, zâk gurumin den komap. Gurumin den kukunâ, zo bâliņâ bonņâ uap. <sup>5</sup> Yesugât itâ nânğame, “Zâk bâliņâ maat-ibam geip. Oi zâk bâliņâ mân oip.” <sup>6</sup> Oi nâi zâk Yesugâren pâlatâņ op ândimapņâ bâliņ mân opmap. Ka nâi zâk bâliņ opmap, zâk zo Yesu mân ek nânğamap.

<sup>7</sup> Nan bârarâpnâ, nâiņâ um gulip kwatziņgâbâ sâi mân nânğâbi. Nâi zâk târârak mâtâbân âibap, zâk târârak a. Yesu târârak ândimap, zo yatâ ândibap. <sup>8</sup> Ka a nâi, zâk bâliņ opmap, zâk Satangât a. Satang zâk topņan gâbâ bâliņâ tuum ândim gâip. Yatik ândiap. Oi Anutugât nanņâ zâk Satangât nep kâdanğbam geip.

*Anutugât nan bârarâp ândim bâliņ mân orot.*

<sup>9</sup> Anutunâ kâmut gakârâpnâ ândiândigât kâwali ziņgip, zorat zen dap dabân yatâ bâliņâ mem ândibi? Zen Anutugâren gâbâ gokņâ, zorat bâliņâ mân upme. <sup>10</sup> Anutugât nan bârarâp sot Satangât nan bârarâp, zengât topziņâ itâ muyagei iknat. Nâi zâk ândiândi târârak mân ândibap, zâk Anutugâren gâbâ gokņâ buņâ. Oi nâi zâk bukunâ kâsa okņanğâbap, zâkkât yatâ Satangâren gokņâ sâsâņ.

<sup>11</sup> Kembangât den mârumņan gâbâ nânğâm gawen, zo itâ, “Umziņandâ gâsâyagom ândibi.”

<sup>12</sup> Adamgât nanņâ Kain, zâkkât mâtâp mân lâņnat. Zâk bâliņ mariņanğâren gâbâ gokņâ, zorat munņâ koi moip. Zo itâgât. Zikņâ ândiândiņâ, zo bâliņâ. Munņanğât ândiândiņâ, zo âlipņâ. Zorat op ko koi moip.

*Yesuñâ buku otniņgipkât buku oranjânat.*

<sup>13</sup> Bukurâpnâ, um kâtik ziņâ kâsa otziņgâne nâņgâne ñai mân upap. <sup>14</sup> Nen bukurâpniņ buku otziņgâm ândiengât niņangât itâ nâņgâmen. Mu-muņan gâbâ ândiândiyân bagiwen. Ñai zâk bukuñâ buku mân okņangâbap, zâk tok mu-muņan ândibap. <sup>15</sup> Oi ñai zâk bukuñâ kâsa okņangâbap, zâk kâmbam ku a yatâ, a kuktâ. Zen itâ nâņgâme, “Kâmbam ku a zeņgât umziņan ândiândi kâtik mân muyagem ziap.” <sup>16</sup> Yesu zâk neņgât op ândiândiņ biri buku orotņangât topñâ iksen. Oi nen yatigâk bukurâpniņ zeņgât op ândiândiņ birindâ dâp upap. <sup>17</sup> Ka a ñai hângât sikum zemņangi bukuñâ wan mo wangât kwakpap oi eknâ mân nâņgâņangâbap, zâk dap yatâ umņandâ Anutugâren kinbap? Zo buñâ.

<sup>18</sup> Nan bârarâpnâ, buku orotñâ, zo den mo sâtņak mân sâsâņ. Betñâ sot umñâ utnat. <sup>19</sup> Yatâ oindâ den bonņangât kâmurân ândien, zorat topñâ muyagei nâņgânat. Oi Anutu mâteņan umniņâ keņgât buņ ândinat. Anutu mâteņan umniņâ keņgât opapkât itâ nâņgânat. <sup>20</sup> Umniņandâ keņgât oi itâ sânat, “Anutu zâk umniņangât dâp buñâ. Zâk tobat ñai ândim kut ñai ñai aksik zo nâņgâm naņgâmap.” Zorat nen keņgât kândâtkum zâkkâren nâņgâm pâlâtâņ kwâkņangâm ândinat. <sup>21</sup> Bukurâpnâ, umniņandâ keņgât mân oi Anutu mâteņan umâlip ândinat. <sup>22</sup> Oi diņâ lumñâ zâkkât mâteņan kut ñai ñai oindâ egi âlip opmapkât zâkkâren wan mo wangât sâindâ niņgâmap. <sup>23</sup> Zâkkât gurumin den itâ ziap, “Nanñâ Yesu Kristo nâņgâm pâlâtâņ kwapñâ

umziñandâ gâsâyagom ândibi.” Nen yatâ utnatkât Yesuñâ sâm niñgip.

<sup>24</sup> A zen Anutugât den lume, zen zâk sot pâlâtân op ândime. Zâkoot zen sot pâlâtân opmap. Anutu zâkñâ Kaapumñâ niñgip, zorân sapsuñ niñgi nânğâmñâ itâ nânğen, “Anutu zâk nen sot ândimap.”

## 4

### *Tirik Kaapum sot wâke, zeñgât den.*

<sup>1</sup> Bukurâpnâ, a den sâme, zo yen mân nânğâbi. Den zorat topñâ nânğâm sâlâpkum ikpi. Den zo Satañğâren gokñâ mo Anutugâren gokñâ, zo nânğâm ândibi. Wangât, propete a sarânâ donbep muyagem ândie, zorat. <sup>2</sup> Den Anutugât Kaapumân gokñâ, zen itâ ikpi. A ñâi, zâk itâ sâbap, “Yesu zâk a bâliñan gâbâ mâkâniñğâbapkât sâsân, Kristo, zo zâk hânân muyageip.” Den zo yatâ sâi ko Anutugâren gâbâ âsageip. <sup>3</sup> Oi a ñâiñâ Yesugât itâ sâbap, “A bâliñan gâbâ mâkâniñğâbapkât mârum sâsân zo, zâk buñâ. Zâk a yennâ op hânân muyageip.” Den zo yatâ sâbap, zo ko den zo Anutugâren gokñâ buñâ. Den zo Kristogât kâsañâ yatâ opap. Kâsa zâkkât itâ nânğâme. Kâsa zâkkât imbañâ hânân muyagibapkât sâsân, zo mârum zi muyagiap.

<sup>4</sup> Nan bârarâpnâ, zen Anutugâren gokñâ, zorat ziñâ propete sarânâ zen sot agom kâtigemñâ kâsa otziñğawe. Oi zeñgât umziñan ândiap, zorânâ propete a sarâ zeñgât umziñan ândiap, zo walâmap. <sup>5</sup> Propete sarânâ zen hânân gokñâ, zorat hângât den sâne um kâtik a ziñâ nânğâme.



<sup>6</sup> Nen ko Anutugâren goknâ. A Anutugât den nângâme, zen dinninâ nângâbi. Ka nâi zâk Anutugâren gok buñandâ dinninâ mân nângâbap. Den bon mariñâ, Kembugât Kaapumñâ sot Satan arâpnâ, zenğât topziñ yatâ âsagei iknat.

*Anutuñâ buku otniñgip, zorat topñâ.*

<sup>7</sup> Bukurâpnâ, nen umniñandâ gâsâyagom ândinat. Buku orotñâ, zorat topñâ Anutu. Nâi zâk bukurâpnâ buku otziñgâmap, zâk Anutugâren gâbâ muyageip sot Anutu sot pâlâtân opmap. <sup>8</sup> Nâi zâk bukurâpnâ mân buku otziñgâmap, zâk Anutu mân ek nângâmap. Buku orotñangât topñâ Anutu. Anutu umñandâ gâsânângom buku otniñgâmap. <sup>9</sup> Anutuñâ nanñâ kânok ândiândi muyageniñgâbapkât sângongoi hânân gem gâip. Anutu umñandâ gâsânângom yatâ otniñgip. <sup>10</sup> Buku orotñangât topñâ itâ ziap. Nen Anutu mân buku okñangâwen. Zâknâ buku otniñgâm nanñâ sângongui gemñâ bâliñâniñangât suupñâ mem moip. Zorat nen Anutu mâteñan um salek kinat.

*Anutuñâ buku otniñgâmap yatik neñgoot buku otziñgânat.*

<sup>11</sup> Bukurâpnâ, Anutuñâ buku otniñgipkât neñgoot yatik umñâ buku buku orangânat. Nen yatâ oindâ dâp upap. <sup>12</sup> A sinniñandâ Anutu mân igâwen. Um buku orangâm ândinat oi ko Anutu zâk nen sot pâlâtân oi buku orotñâ bonñâ neñgâren muyagem kwâtâtibap. <sup>13</sup> Zâk Kaapumñâ niñgip, zorat itâ nângen. Zâk nen sot pâlâtân opmap. Nen zâk sot pâlâtân upmen.

14 Ibâ zâk nannâ hân dâp a nen kubikniŋgâbapkât sâŋgongoi geip. Oi nen sinniŋandâ igâwengât den zo sâm muyagem dâzâŋgomen. 15 Oi a nâiŋâ, Yesu zâk Anutuŋât nannâ sâbap, zâk Anutu sot pâlatâŋ upap. Oi Anutuŋâ zâk sot pâlatâŋ upap. 16 Zo yatâ oi itâ nâŋgen, “Anutu umŋandâ gâsânâŋgomap.” Zo ek nâŋgâm kwâtâtien.

Anutu zâk buku orot zorat mariŋâ. Nâi zâk buku upapŋâ Anutu sot pâlatâŋ upap. Oi Anutuŋâ zâk sot pâlatâŋ upap.

### *Buku op keŋgât mân utnat.*

17 Biken den sâm kwâkâkwâkâŋ narâkŋan keŋgât buŋ kinatkât Anutuŋâ buku otniŋip. Oi Yesuŋâ buku otniŋâm ândimâp, zo yatik hânân zi buku oraŋgâm ândinat. 18 Keŋgât sot buku, zet buku buku buŋâ. Buku bonŋandâ keŋgât molibap. Keŋgât, zo tosagât hâuŋâ zo nâŋgâm upme. Nâi zâk keŋgât mem ândibap, zâkkâren buku mân muyagiap sâsâŋ.

19 Nen ko Anutuŋâ kâdom buku otniŋipkât buku op ândimen. 20 Nâi zâk Anutu buku okŋaŋgâman sâm bukuŋâ kâsa okŋaŋgâbap, zâk sarâ a. Nâŋgâne. Nâi zâk bukuŋâ senŋâ igikŋâ buku mân okŋaŋgâmŋâ dap op Anutu mân igikŋâ, zo buku okŋaŋgâbap? 21 Yesugât den itâ ziap, “Aŋâ Anutu buku okŋaŋgâmŋâ bukuŋâ buku okŋaŋgi dâp upap.”

## 5

### *Anutu sot pâlatâŋ op ândinat.*

<sup>1</sup> A nâinâ, Yesu zâk a bâlinan gâbâ mâkâniŋgâbapkat mârum sâsân zo, sâm nânŋâm pâlâtân kwâkŋanŋâbap, zâkkât Anutugât nanŋâ sâsân. Oi nâi zâk Ibâ muyamuyagiŋ buku okŋanŋâbapŋâ Ibâgât kiurâp yatik buku otziŋgâbap. <sup>2</sup> Nen Anutugât nan bârârâp buku otziŋgâmen? Buku otziŋgâmen, zo ko Anutu buku okŋanŋâm, zâkkât den lugindâ, zorânâ topniŋ sapsubap. <sup>3</sup> Anutu buku yen mân okŋanŋânat. Diŋâ lum buku okŋanŋânat. Anutugât den zo yâmbâtŋâ buŋâ. <sup>4</sup> Anutugâren gâbâ muyagiwen, nen um kâtik a zenŋât orot mâme walâziŋgâmen. Itâ opŋâ walâziŋgâmen. Nen Kembangâren nânŋâm pâlâtân kwâkŋanŋâm ândim hânŋât imbanâ zo kom birâm walânat. <sup>5</sup> Nâinâ kâtigem kin hânŋât âkâk gâlâk zo koi gibap? A nâi zâk, Yesu zâk Anutugât nanŋâ sâm, nânŋâm pâlâtân kwâkŋanŋâbap. A zorân bonŋâ upap.

<sup>6</sup> Yesu Kristo zâk sumbemân gâbâ hânân geip. Hânân ândim toin giari Yohaneŋâ sanŋonŋanŋip. Oi a ziŋ poru nagân kune gilâmŋâ gem gâip. Tooyâk buŋâ. Too sot gilâm ârândân. <sup>7</sup> Oi Kaapumŋâ Yesugât topŋâ sâm muyagemap. Oi Kaapum zâk den bonŋanŋât mariŋâ. Sarâ mân sâmap. <sup>8</sup> Karâmbut ziŋâ tânagom kin topŋâ sâm muyagime, zen Kaapum sot too sot gilâm. Karâmbut zen zâkkât den kânok sâme. <sup>9</sup> A ziŋ tânagom den sâne nânŋindâ bonŋâ opmap. Oi Anutuŋâ den nâi tângoi walâmap. Anutuŋâ den nâi sâi bonŋâ opmap. Anutugât tân den zo nanŋanŋât den zo sâi muyageip. <sup>10</sup> Nâi zâk Anutu nanŋâ nânŋâm pâlâtân kwâkŋanŋâbap,

zâk Anutugât den bonḡâ nâḡgâmap. Nâi zâk Anutugât den mân nâḡgâbap, zâk Anutugât sarâ a sâbap. A yatâ zorâḡ Anutuḡâ nanḡḡgât den tângoip, zo nâḡḡi bon buḡ upap. <sup>11</sup> Oi Anutu nanḡḡgât den tângoip, zo itâ muyageip. Anutu zâk ândiândiḡ kâtik muyagem niḡḡip. Ândiândi kâtik zo neḡgât siḡḡi sâi nanḡḡndâ galem oi ziap. <sup>12</sup> Nâi zâk nanḡḡoot pâlatâḡ upap, zo ândiândi kâtik mimbap. Ka ḡâi zâk nanḡâ sot pâlatâḡ mân upapḡâ ândiândi kâtik mân muyagibap.

*Ninâu sot bâliḡḡgât den.*

<sup>13</sup> Zen ândiândi kâtik miwe, zorat nâḡḡgâbigât ekap zi kulemgum ziḡḡan. Zen nanḡḡḡgâren nâḡḡâm pâlatâḡ kwatne ândiândi kâtik zemziḡḡap. <sup>14</sup> Nen itâ sâm Anutu umâlep nâḡḡâḡḡgâmen. Nen wan mo wangât zikḡak nâḡḡi ziap, zorat ninâu sâindâ nâḡḡâniḡḡâbap. <sup>15</sup> Zorat opḡâ wan mo wangât ninâu sâindâ nâḡḡâniḡḡâbap. Zorat nâḡḡâm itâ nâḡḡânat. Kut ḡâi ḡâi zo neḡḡgât siḡḡi sap.

<sup>16</sup> Nâi zâk bukuḡḡandâ bâliḡ oi ikpap, (Bâliḡâ zo simḡgât siḡḡi mân muyagibap.) zo ekḡâ zâkkât opḡâ ninâu sâi ândibap. Bâliḡâ nâmbuḡḡâ opḡâ simḡgât siḡḡi mân upi. Bâliḡâ yatâ zorat san. Oi bâliḡâ ḡâi opḡâ simḡgât siḡḡi orotḡâ, zo ziap. Yatâ zorat ninâu sâbigât mân san. <sup>17</sup> Ândiândi bâliḡâ top top zo bâliḡḡik. Oi bâliḡâ torenḡâ zo simḡgât siḡḡi mân uap.

<sup>18</sup> Nen itâ nâḡḡâmen. A mo ambân Anutugâren ḡâbâ muyageipḡâ bâliḡâ mân opmap. Anu-

tugât nanḡandâ galem oi bâliḡâ mariḡandâ mân tâmbetkubap.

<sup>19</sup> Nen Anutugâren gâbâ muyagiwen. Oi hân dâp a zie, zen ko bâliḡ mariḡaḡgât bikḡan ândie. Zo yatâ nâḡgâmen.

<sup>20</sup> Anutugât nanḡâ, zâk gemḡâ um nâḡgânâḡgâ muyagem niḡgipkât den bonḡâ mariḡâ nâḡgâm pâlatâḡ kwâkḡaḡgâmen. Oi den bon mariḡâ sot nanḡâ Yesu Kristo, zet sot pâlatâḡ op ândimen. Zâkḡâ Anutu bonḡâ sot ândiândi kâtik mariḡâ.

<sup>21</sup> Nan bârarâpnâ, zen Bem lopio kândâtzâḡgom ândibi.

Zo yatik.

**SINGI ÂLIP EKAP**  
**The New Testament in the Komba Language of Papua**  
**New Guinea**  
**Nupela Testamen long tokples Komba long Niugini**  
copyright © 1980 Wycliffe Bible Translators, Inc.

Language: Komba

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-06

---

PDF generated using Haiola and XeLaTeX on 11 Nov 2022 from source files dated 9 Oct 2020

8e5b8dff-a54f-5e56-9b8c-1906f06b22d1